



Prothasius eruditione & autoritate in Auenticorum regione, quæ hodie Bernensium ditionis existit, in magno pretio fuit. Itaq; anno 500 tempore Clodouei regis Francorum in eo tractu Episcopus constitutus est, licet urbs illa celeberrima Auenticum multis Barbarorum incursionibus uastata, ac in ruderibus desolata iaceret. Hinc factum ut à nulla ciuitate certa, uerùm ab adiacenti loco Prothasius & eius successores se Auenticorū præsules nominarint. Sub eo Balmenſis ecclesia à Felice Graueleo in eius diocesi fundata, cōsensu huius Prothasij. Cum in eo loco Prothasius per uiginti annos uerbo Dei populum pauisset, obiit, at

que Chilmegeſilum successorem habuit. Ut itaq; eius Diocesis præsules cognoscamus, qui Heluetios, Alemannos, & Burgundiones, Germaniæ populos, in uera religione instituerunt, eos ordine proponemus:

1 Prothasius 500. an. 20

2 Chilmegeſilus 520. an. 14

3 Superius 534. an. 47. Hic in Concilio Aruernensi fuit, anno 535

4 Marius 581. Is Episcopatum Auenticorum in eum locum tranſtulit, qui postea Loſanna dictus fuit. Itaq; Auenticorum, & post Loſannensis Episcopus appellatur. De quo postea. Ioan. Stumpff. lib. 8.